

# MISALA NA NDAKO NA BAKLISTO

---



METELO NA MISALA NA NDAKO  
NA BAKLISTO

(Christian Home Yardstick)

H. NAUGLE



Distribué par:  
Ministères pour Chaque Enfant  
[mamalorella@yahoo.com](mailto:mamalorella@yahoo.com)

## METELO NA MISALA NA NDAKO NA BAKLISTO

Na mokanda oyo, tokokanisa na maloba na Paulo:

"Boye, soko moto azali kati na Klisto, akomi bozalisi na sika; makambo na liboso malimwi, tala makambo na sika mayei."

2 Bakolinti 5:17

Tolingi ete mokanda oyo esunga bino batangi kotala metelo na bomoi na bino mpenza. Tika ete bobongisa misala na ndako na bino ete mikoka na metelo na mokanda na Nzambe.

Buku oyo etiami na Lingala na Pasteur R. B. Anderson. Foto esalami na Mme. Suzanne Stratton mpe Mme. Rachel Bliss.

## NA NDAKO NA BINO BOZALI KOLUKA NINI?

Bomoi na seko  
Matai 6:33

Mayele

Masese 9:10

Bonene

Malako 10:44

Mosolo

Matai 6:19

Lokumu

Luka 14:11

Bilamba

Matai 6:28-30

Bilei

Luka 4:4



Liteyo 1

**BOZALI KOLUKA NINI?**


a. Na ndako na bino bozali koluka boyengebene na Nzambe liboso na makambo yonso?

b. Soko bozali kosolola na kopona kelasi to mosala mpo na bana na bino, bozali kokanisa na kosalela Nzambe na yango? Soko kosalela bino mpenza?


**ETENI NA KOYEKOLA:**

"Bolukaka nde liboso Bokonzi na Nzambe mpe boyengebene na ye mpe biloko oyo yonso ikobakisama na bino."  
Matai 6:33

**BOZALI NA NINI NA NDAKO NA BINO?**




Mokanda na Nzambe?



Mokanda na nzembo?



Mikanda mosusu na kosungu milimo na bino?



Bozali kotiya Maloba na Nzambe na bitutu na ndako na bino?

Liteyo 2

BILOKO NA KATI NA NDAKO

a. Bozali na Mokanda na Nzambe na ndako na bino? Bozali na Biblia mobimba? Bozali na Kondimana na Sika?

b. Bozali na buku na nzembo mpe buku mosusu ekomami na bato na Nzambe mpo na kotanga mokolo na mokolo?

c. Bozali kokanga baverset na Maloba na Nzambe mpe bililingi na foto malamumu na bitutu na ndako na bino?

ETENI NA KOYEKOLA:

"Liloba na yo ezali mwinda na makaka na ngai mpe pole na nzela na ngai." Nzembo 119:105

BINO BOZALI KOBONDELA  
NA NDAKO NA BINO?



Mama azali  
kobondela na  
esika na ye?



Tata azali  
kobondela na  
esika na ye?

Bozali kobondela kopesa Nzambe matondi mpo na bilei na bino?



Liteyo 3

### KOSAMBELA NA LIBOTA


- a. Bozali kobondela na libota na bino mokolo na mokolo?
- b. Bozui ntango mpo na kokanisa na ntina na Maloba na Nzambe mpe kobondela, moto na esika na ye, moto na esika na ye?
- c. Bozali koyemba nzembo na kosambela esika moko?
- d. Naino elei bino te, bokopesaka Nzambe matondi mpo na bilei na bino?

### ETENI NA KOYEKOLA:

"Bokengelaka mpe bobondelaka ete boingela na komekama te; molimo ezali na mposa nde nzoto ezali na bolembu." Matai 26:41

## BINO YONSO NA NDAKO NA BINO BOZALI KOSUNGA EKELESIA?

Bino yonso bokokendaka  
kosambela na ndako na Nzambe  
na yenga na yenga?



Bino yonso bokokendaka na  
"Ecole de Dimanche" na  
yenga na yenga?



Liteyo 4

### KOSUNGA EKELESIA


- Mokolo na yenga, bokotikaka misala na bino mpo na kokenda kosambela?
- Mwasi akokendaka na losambo na basi na kozanga te? Bana bakokenda na "Ecole de Dimanche" yenga na yenga? Mpe mama na tata lokola?
- Na kati na losambo bokoyoka solo ete Nzambe azali penepene?
- Bozali kotiya maboko na bino na mosala na kosunga Ekelesia? Bopesi mitema na bino mobimba mpo na kopusa mosala na Ekelesia?

### ETENI NA KOYEKOLA:

"Okolinga Nkolo Nzambe na yo na motema na yo mobimba mpe na molimo na yo mobimba mpe na makanisi na yo mobimba."

Matai 22:37

### BINO YONSO NA NDAKO NA BINO BOZALI NA NZOTO MAKASI?



Ndako na bino ezali mpeto?

Bozali koliya biloko malamumu na ndenge  
na ndenge?




Loso



Kwanga



Makei



Mbuma na  
nzete



Ndunda



Mbila na  
mafuta



Mongwa

Liteyo 5

MPO NA NZOTO KOZALA MALAMU,  
EKOKI ETE NZOTO NA NDAKO NA BILEI  
NA MAI YONSO EZALA MPETO

a. Ndako na bino ezali mpeto mpe polele ete mopepe mpe moi ekota? Lopango na bino ezali mpeto lokola?

b. Bino yonso na ndako bozali na nzoto makasi? Soko boye te, bozali komeka makasi kobatela nzoto na bino?

c. Bozali koliya biloko na ndenge na ndenge lokola nzoto na bino ezali na bosenga? Bozali koliya mbuma na nzete mpe ndunda mpe mafuta? Bozali kolambaka mai oyo bozali komela?

ETENI NA KOYEKOLA:

"Boyebi mpe te ete nzoto na bino ezali Esambelo na Molimo Mosanto oyo azali kati na bino, oyo esili bino kozua uta na Nzambe? Bozali mpo na bino mpenza te."

1 Bakolinti 6:19

BOZALI KOLAKISA BANA NA BINO?

Ete bayeba kobondela?

Ete bayeba Mokanda na Nzambe?

Ete bayekola biteni na Mokanda na Nzambe?

Ete bayekola Libondeli na Nkolo?

Ete bayeba Mibeko Jomi na Nzambe?



Liteyo 6

KOBOKOLA BANA

a. Bozali kobokola bana na bino ete balinga mpe bakumisa Nzambe?

b. Bana na bino bazali kotosa bino? Bazali kokumisa bino? Bazali kosunga bino na mosala na ndako mpe na libanda?

c. Bolakisi bana na bino ete babebisa ntango na bango te?

d. Bana oyo bakoli mpe babandi kotambola na mboka--bozali kotala ndenge na kotambola na bango?


e. Spoko bana bakoki na kokota kelasi, bozali kotinda bango?

ETENI NA KOYEKOLA:

"Kumisa tata na yo mpe mama na yo, oyo lilako na liboso lizali na elaka." Baefese 6:2


BOZALI KOSALA BONI NA NTANGO NA BINO MPE NA MBONGO NA BINO?

Bokokabolaka mosolo na bino malamumu?



Na mokolo moko, ntango (heures) ezali 24.

Bokosala boni na ntango yango?





KOBATELA NTANGO MPE MOSOLO

- a. Bozali kosala na ntango na bino mpe na mbo-ngo na bino ete bosunga bato mosusu?
- b. Na kati na mosolo yonso, bozali kokabola ndambo moko na zomi mpo na kopesa epai na Nzambe?
- c. Kosolola na ndako na bino ezali oyo na bolingo mpe oyo na kosunga bino?

ETENI NA KOYEKOLA:


"Bongo, bokeba mpo na etambweli na bino, bozalaka bazoba te kasi bato na mayele mpenza. Bosalisa ntango na bino misala malam, zambi mikolo izali mabe."  
Baefese 5:15,16

BOLINGO EZALI NA NDAKO NA BINO?



Mobali na mwasi bakolingana?

Tata na mama na bana bakoliya elongo?



Liteyo 8

### BOLINGO KATI NA NDAKO

a. Kati na ndako, bino mobali mpe mwasi bokolinganaka? Bozali na likanisi moko, na motema moko?

b. Bana bakoki kotala bolingo na Nzambe kati na tata na mama? Bato na mboka bayebi ete bolingo ezali na ndako na bino?

c. Bozali na motema moko na ndako na bino ete bosala mosala elongo, boliya esika moko, mpe botambola elongo?

#### ETENI NA KOYEKOLA:

"Soko tokolingana, Nzambe azali kougela kati na biso mpe bolingo na ye ekokisami kati na biso."  
1 Yoane 4:12

### KIMIA EZALI NA NDAKO NA BINO?



Mobali na mwasi bayebi kobondela mpo na kosilisa likambo kati na bango?

Liteyo 9

### KOSILISA MAKAMBO


- a. Soko likambo ebimi kati na bino, bokosukisa yango na libondeli mpe na bolingo?
- b. Soko likaka etikali, bokoluka bakolo mosusu ete basunga bino?
- c. Soko bosili koswana, bokoki kotika nkanda yonso mpenza mpe kotalisa bolingo na solo? Boyebi ete Nzambe moko akoki kosunga bino?

### ETENI NA KOYEKOLA:

"Soko moto moko azali na moto mosusu likambo, boyikanaka mpi-ko, bolimbisanaka. Pelamoko Klisto alimbisi bino, bino mpe bobele bongo."

Bakolose 3:13

### BOKONYANGELAKA BAPAYA?



Liteyo 10


KONYANGELA BATO MOSUSU NA NDAKO

- a. Bokonyangelaka bandeko na mobali mpe bandeko na mwasi motindo moko?
- b. Bapaya mosusu baoyo boyebi bango liboso te--bokonyangelaka bango lokola?
- c. Bapaya bakoyeba ete bolingo na Nzambe ezali na ndako na bino?

ETENI NA KOYEKOLA:

"Bonyangelana na koimaima te. Pelamoko ezui moto na moto likabo na ngolu, bosungana na yango lokola bakengeli malamumu na ngolu na Nzambe, oyo na mitindo mingi." 1 Petelo 4:9-10

NA NDAKO NA BINO, BOKOSUNGAKA  
BATO MOSUSU?



Liteyo 11

KOSUNGA BATO MOSUSU

a. Bozali kosungaka bato na malali, babola, basi bakufeli babali, bana bakufeli baboti mpe bato na mawa yonso?


b. Bato oyo bayebi kotanga mokanda te, boko-sungaka bango koyeba likambo na Yesu?

c. Bozali kosunga bato na mabondeli na bino na mokolo na mokolo?

ETENI NA KOYEKOLA:

"Nazali koloba na bino solo ete lokola esalaki bino yango epai na moko na bandeko na ngai ba-oyo baleki mokemoke, bosalelaki ngai yango." Matai 25:40

BATO BAKOTALA MOI NA YESU  
KONGENGA NA NDAKO NA BINO?



Liteyo 12

NDAKO NA BANA NA NZAMBE--

LITATOLI MALAMU

a. Bato mosusu bakoyeba mpo na maloba na bino ete bozali bana na Nzambe solo?

b. Bozali kotatola mpo na Yesu kati na baninga na bino--na mboka, na zando, na elanga, na esika na mosala to na biro?

c. Kati na bato oyo bayoki matatoli na bino, bato boni basili koyamba Yesu?

ETENI NA KOYEKOLA:

"Soko okoyambola na bibebu na na yo ete Yesu azali Nkolo mpe soko okondima na motema na yo ete Nzambe asekwisi ye na bakufi, okobika." Baloma 10:9

LOYEMBO NA KOYEMBA NA  
NSUKA NA LITEYO:

Yesu alobaki na bayekoli,  
Bapela lokola mwinda awa nse.  
Biso tokozala miinda na Yesu,  
Yo na esika moke, mpe ngai na ngai.

Yesu alingi ete opelisa  
Mwinda na motema oyo ezali pii.  
Ye mpe akotala bato mpe na Ye,  
Yo na esika moke, mpe ngai na ngai.

Yesu alakisi biso bato ete,  
Mabe na molili ezali mingi be.  
Yakani topelela Mobikisi,  
Yo na esika moke, mpe ngai na ngai.

(Jesus Bids Us Shine)